

COMUNICATO n. 514 del 07/03/2025

“Joegn sa mont: projec de vita, de lurier, de azienda”, punta via l pest Arge Alp 2025

[Ladino] Col inom “Joegn sa mont: projec de vita, de lurier, de azienda” la Provincia autonoma de Trent, che l’à la presidenza de la Comunità de Lurier, l à dezinù l argument per l Pest Arge Alp 2025, per ge dèr luster ai lesc da mont olache stèsc jent, e avisa a la esperienzes di joegn enciasé amò sa mont e olache amò i laora, col engaisser i projec che a na vida inovativa, originèla e che se pel seghitèr a fèr, porte dant responetes e prospetives de lurier per la generaziions joenes di raions da mont. L obietif del Pest 2025, che à n valor de 10.000 euro en dut, l é chel de valorisèr la scomenzadives de valuta che engaissea l leam di joegn de la regions Arge Alp con sie raion. L é temp enscin ai 26 de mé che vegn per portèr dant i projec.

Al Pest Arge Alp 2025 pel tor pèrt la realtèdes che l é ti raions soraldut rurèi, che engaissea la imprenditorialità di joegn ti raions periferics; la firmes e la start-up che svilupea projec de azienda inovatives e originèi, soraldut per i joegn, co la दौरa de materies prumes naturèles dal post; la scoles, con studenc scric ite che abie amancol 14 egn, che svilupee projec de recycling e upcycling per valorisèr la economia zircolèra e l rezicle de materies prumes naturèles locales. L projet l cogn esser jà te na fasa de atuazion, ma no amò fenì su. No se pel portèr dant projec finanzié con programes europeens a gestion diretta.

Anter i projec porté dant vegnarà cernù fora, dant i finalis endèna na selezion locala, che do ogne raion ge portarà dant a la juria internazionèla. Chesta la cernarà fora i sie projec miores (trei per ogne categoria), che i vegnarà premié endèna la zerimonia che vegnarà endrezà dintornvia la Conferenza di Capi de Goern Arge Alp perveduda a Trent ai 23 e 24 de otober del 2025. L recognosciment internazionèl l perveit, per ogne categoria, 2.500 euro per l prum pest, 1.500 euro per l secondo e 1.000 euro per l terzo.

L avis de concors e l modul de partezipazion se i troa sul sit: <https://www.argealp.org/it>

Arge Alp l é na Comunità de lurier metuda su ai 12 de otober del 1972 a Mösern, tel Tirol, col obietif de ge fèr front e sostegnir i besegnes de duc i raions alpins e che tol ite 26 milions de jent. I membres de Arge Alp l é la Germania col Stat de Baviera, l’Austria coi Länder Vorarlberg, Tirolo e Salisburgo, la Tèlia co la Provinzies autonomes de Busan e Trent e la Region Lombardia, la Svizra coi Ciantons di Grischun, San Gallo e Ticino.

Traduzion di Servijes Linguistics e Culturèi del Comun general de Fascia

(cdt)